



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Theobaldo Presbytero Canonico Cameracensi.

**urn:nbn:de:hbz:466:1-20006**

ut non possit super eo quod licite dicitur jurasse meritò reprehendi, ipsum Comitē attentè monentes per literas nostras mandavimus ut juxta quod juramento fuit interposito compromissum, complere matrimonium, quantum in ipso fuerit, non postponat, ut videatur juramenta tam à se quàm hominibus suis exhibita, sicut convenit, observare, & ad id exequendum quod per se potest laudabiliùs adimplere, per alium non cogatur. Ideòque fraternitati vestræ per apostolica scripta mandamus quatenus supradicto Comitē ab executione mandati nostri cessante, ipsum ad observationem juramenti, sicut de jure tenetur, per censuram ecclesiasticam appellatione remota cogatis. Datum Laterani V. Kalend. Maij.

*Scriptum est super hoc Comiti Nivernensi.*

Epist. 44.

*Super eodem scriptum est Philippo illi Regi Francorum, servè in eundem modum ut supra usque ad verbum appellatione remota compellant. Quia verò magnificentia regia fideles suos ad ea debet exequenda inducere in quibus non offendatur Deus, & fama boni nominis non lædatur, rogamus magnificentiam tuam & exhortamur in Domino quatenus non impedias quò minus præfatus Comes adimpleat quod juravit: quia cum ejuslicitum sit juramentum, ab observatione ipsius non debet retrahi, sed compelli. Datum ut supra.*

*BALDOINO COMITI FLANDR. & Mariæ uxori ejus.*

Epist. 45.  
Recipitur  
sua protectio  
apostolica.

**A**postolica sedes, quæ disponente Domino cunctorum fidelium mater est generalis, licet omnes teneatur paterno affectu diligere, in eos tamen uberius gratiam suæ dilectionis effundit quos ad exhibenda sibi grata devotionis obsequia invenit promptiores. Attendentes igitur dilectionis fervorem quam prædecessores vestri ad Rom. Ecclesiam habuisse noscuntur, & devotionem nihilominus quam vos ad personam nostram habere proponitis, firmo gerimus in proposito voluntatis personas vestras oculo benigniori respicere, & sincerioris dilectionis & gratiæ brachiis amplectari, ac in his quæ à nobis secundum Deum duxeritis requirenda, gratanter vobis assensum apostolicum impertiri.

Eapropter volentes vos, tanquam speciales Ecclesiæ filios, protegere pariter & tueri, personas vestras cum omnibus bonis quæ in præsentiarum rationabiliter possidetis, aut in futurum &c. usque ad verbum suscipimus, auctoritate præsentium districtius inhibentes ne aliquis sine manifesta & rationabili causa in personas vestras excommunicationis aut in terras vestras interdicti præsumat sententias promulgare. Ad hæc adjicientes statuimus, ut si vos in aliquo præferentis aggravari, liberè vobis liceat sedem apostolicam appellare. Si quis verò post appellationem ad nos legitime interpositam in vos vel terras vestras excommunicationis aut interdicti sententias promulgaverit, ipsas decernimus non tenere. Nulli ergo &c. protectionis, inhibitionis, & institutionis &c. Datum Laterani IV. Kal. Maij.

*THEOBALDO PRESBYTERO Canonico Cameracensi.*

**N**E fiant controversiæ litigantium immortales, si sopitæ judicio quæstiones in antiquæ contentions scrupulum reducantur, sententias per fratres nostros ex delegatione nostra canonicè promulgatas apostolicæ confirmationis præsidio consuevimus roborare; ne si pateret partibus à lata sententia resiliendi facultas, non litigantes litigia sed litigia potiùs fugerent litigantes, dum non nisi eis expirantibus expirarent. Sanè cum inter te & dilectum filium I. Presb. de Landreceis super præbenda Cameracen. Ecclesiæ, de qua te felicis record. Celestinus Papa prædecessor noster post preces & mandatum dilectis filii Capitulo Cameracen. porrecta, & executorem tibi ab ipso concessum, cassata collatione ipsius præbendæ dicto Presb. facta per Capitulum Cameracense, sicut ex literis ejus accepimus, curaverat investire, & super qua idem Presbyter, eam sibi asserens canonicè fuisse collatam, ad venerab. fratrem nostrum Episcopum & dilectos filios Decanum & Cantorem Atrebaten. commissionis literas impetrarat, qui cum, postquam iter aggressus fueras ad sedem apostolicam veniendi, causa rei servandæ in possessionem miserunt, quæstio verteretur, nos tibi & dilecto filio G. procuratori Presbyteri memorati constitutis in præsentia nostra dilectum filium Hugonem et.

Epist. 46.  
Confirmatur  
sententia lata  
pro eo contra  
I. Presbyterum  
super præbenda  
Cameracensi.

Zz ij

sancti Martini Presbyterum Card. concessimus auditorem. Coram quo cum super causa ipsa fuisset diutius disceptatum, ipse tenore literarum inspecto, quas prædecessor ipse noster pro te Camera- cen. Capitulo & bonæ memoriæ Decano Remen. transmiserat, & earum etiam quas nos circa nostræ promotionis ini- tia venerabili fratri nostro Cathalaunen. Episcopo miseramus, intellecto etiam ex literis ejusdem Episcopi qualiter de mandato nostro in tantum processerat quòd à Capitulo fueras receptus in fra- trem, & in corporalem ipsius præbendam possessionem inductus, inspectis insuper literis quas dictus Presbyter ad memora- tos Episcopum & Decanum & Cantorem Atrebaten. à sede apostolica impetrarat, & totius causæ meritis, rationibus, & al- legationibus intellectis, auctoritate no- stra de consilio venerab. fratris nostri Albanen. Episcopi & dilectorum filio- rum G. tt. sanctæ Mariæ trans Tyberim & S. tt. sanctæ Praxedis Presbyterorum Cardinalium formavit sententiam, & nobis priùs retulit quàm proferret, ac postmodum formatam & expositam no- bis sententiam de mandato nostro pro- mulgans, super eadem præbenda silen- tium imposuit Presbytero memorato, & procuratori ejusdem, & eam tibi per sententiam diffinitivam adjudicare cu- ravit. Nos igitur sententiam ipsam, si- cut per eundem Cardinalem de manda- to nostro lata est, auctoritate apost. con- firmantes, præsentis scripti pagina com- munimus. Nulli ergo &c. Datum La- terani VIII. Kal. Maij.

*PRÆPOSITO ET DECANO  
& Capitulo Cameracensibus.*

*Epist. 47.  
De eodem ar-  
gumento.*

**C**um inter dilectos filios Theobal- dum Concanonicum vestrum & I. Presbyterum de Landreceis &c. *ferè in eundem modum ut supra usque ad verbum* curavit: quam nos postmodum, sicut per eundem Cardinalem de mandato nostro lata fuerat, auctoritate curavimus apostolica confirmare. Quocirca discre- tioni vestræ per apostolica scripta di- strictè præcipiendo mandamus quatenus sententiam ipsam studeatis inviolabili- ter observare. Alioquin noveritis nos venerabili fratri nostro Cathalaunen. Episcopo districtius injunxisse ut eam faciat per censuram ecclesiasticam ap- pellatione remota inviolabiliter obser-

vari, contradictores, tam vos, quàm alios, eadem districtione compescens. Nullis literis obstantibus, latæ sententiæ & con- firmationis nostræ tenore tacito &c. Datum ut supra.

*Scriptum est super hoc Cathalaunen. Episcopo.*

*DECANO, V. CANCELLARIO,  
& C. Canonico Laudunen.*

**S**icut nobis vestris literis intimastis, cum causa quæ inter Henricum Subdiaconum & Huardum Presbyte- rum sancti Clementis super quinque frumenti modis vertebatur, qui dice- bantur ipsi Henrico per annos singulos exsolvendi, ex delegatione nostra vo- bis commissa fuisset, & partibus in ve- stra præsentia constitutis, idem Henricus restitutionem sibi fieri postularet, ad- versarius se ad hoc non teneri respon- dit, cum alia vice super hoc coram ju- dice conventus fuerit, & sententialiter absolutus. quod ostendere voluit duo- rum testimonio sacerdotum; ex quorum depositionibus vobis constitit quòd ma- gister A. ex parte venerabilis fratris no- stri Episcopi Laudunen. Huardum Pres- byterum per judicium absolvit ab im- petitione Subdiaconi memorati. Verùm quia testimonium ipsorum quasi nudè prolatum fuerat, cum de allegationi- bus, testibus, & rationibus quæ judi- cem movere solent ad sententiam pro- ferendam, nihil se scire dixissent, va- riatum fuit inter jurisperitos à quibus consilium postulastis, aliis asserentibus tale testimonium non valere, aliis sen- tentibus quòd valeret. Vnde in hac am- biguitate, quid tenendum sit, sedem duxistis apostolicam consulendam. Cum autem in plerisque locis, in quibus co- pia prudentum habetur, id moris exi- stat, quòd causæ quæ judicem move- rant, non exprimentur in sententiis proferendis, vobis taliter respondemus, quòd cum ex depositione testium præ- dictorum constiterit vobis sententiam à judice suo fuisse prolata, propter au- ctoritatem judicariam præsumi debet omnia legitimè processisse. Datum La- terani II. Kalend. Aprilis.

*Epist. 48.  
In dubio sepe  
preluminatur pro  
judice & pro  
illius sententia.  
Cap. Sicut no-  
bis. De sententi-  
& re judicata.*

